

Lisaun 10: Arrependimentu no Perdaun

A. Xamada ba Arependementu

1. Lee Markus 1:14-15, Mateus 3:1-2, Apostlu sira nia hahalok 2:38. Saida mak hanesan husi vokasaun sira ne'e?
2. Saida mak arrependimentu?
3. Tanbasa Jesus Kristu fo instrusaun ba Ninia disiplu sira atu haklaken mensajen arrependementu no perdaun nian ba sala sira iha Ninia naran ba nasaun hotu-hotu? Roma 3:23, 2 Pedro 3:9
4. Bainhira mak ita boot konsiente katak ita boot ema sala nain no presiza arrepende husi ita boot nia sala sira?
5. Ita balu arrepende tanba tauk. Saida mak ita bele aprende husi Apostlu Paulo nia sasin ba sarani sira iha Roma? Roma 2:4
6. Se mak bele konvense ita kona ba nesesidade atu arrepende ita nia sala? Joao 16:7-8
7. Arrependementu ne'e eventu dala ida deit ka ita tenke arrepende bebeik iha ita nia moris? 1 Joao 2:1
8. Saida mak diferensa entre arrependementu jenuinu ho arrependementu tamba tauk ba konsekuensia negativu sira husi sala? Mateus 3:8, Proverbios 4:14-15, nst..
9. Iha David nia orasaun hafoin nia halo adulteiru ho Batsyeba, ita boot haree arrependimentu jenuinu ne'e iha ne'ebe? Salmo 51:1-11
10. Husi Jesus Kristu nia aiknanoik kona ba ema Farizeu no Kobrador impostu, Lisaun saida mak ita bele aprende kona ba arrependimentu ne'ebe loos? Lucas 18:9-14
11. Oinsa ita boot nia komprensaun kona ba arrependimentu aumenta bainhira ita boot nia relasaun ho Maromak ne'e krese? (sala sira ne'ebe halo no omisaun)
12. Saida mak relasaun entre arrependementu no fiar iha ita Nai Jesus Kristu? Apostlu sira nia hahalok 20:21

B. Perdaun nia Prezente

1. Bensaun saida mak mai husi Maromak bainhira ita esperiensa arrependementu loloos no konfesa ita nia sala? Apostlu sira nia hahalok 2:38, 3:18-19, 1 Joao 1:9, nst.
2. Saida mak sai sasin husi ita boot kona ba bensaun sira ne'ebe ita boot hetan bainhira esperiensa ona arrependementu jenuinu no konfesa ita boot nia sala?
3. Oinsa ita boot sei hatan ba ema ne'ebe hatete, "Hau sente moe no la merese atu husu perdaun"?
4. Iha Apokalipse 7:13-14 ita haree imajen ida husi redensaun sira ne'ebe hatais ropa mutin. Oinsa ita esperiensa kona ba ida ne'e? (haree mos Mateus 22:1-14)
5. Promesa saida mak Maromak hato'o ba ema hotu ne'ebe hakilar husu perdaun? Salmo 103:8, Joao 6:37, nst.